

Укупно				
1 Програм под надзором надлежног органа.				
2 Свињогојска фарма гдје је спроведено серолошко тестирање на болест Ајесзког са негативним резултатима у складу са службеним програмом контроле болести Ајесзког и гдје се цијељење спроводило током претходних 12 мјесеци.				
3 Свињогојска фарма која испуњавају услове из члана 2. тачка (ц) ове Одлуке.				

6. Додатне информације о серолошком претраживању у центрима за умјетно осјемењивање, у сврху извоза, нпр. у оквиру других планова надзирања и сл.

Na osnovu člana 24. stav 8. Zakona o veterinarstvu u Bosni i Hercegovini ("Službeni glasnik BiH", broj 34/02) i člana 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 142. sjednici održanoj 25. januara 2011. godine, donijelo je

ODLUKU

O USLOVIMA UVOZA I PROVOZA SVINJA RADI SPRJEČAVANJA UNOSA U BOSNU I HERCEGOVINU BOLESTI AUJESZKOG

Član 1.
(Predmet)

Ovom Odlukom propisuju se uslovi za uvoz svinja za uzgoj ili proizvodnju, uvoz svinja za klanje, uvoz svinja za rasplod i uvoz svinja za tov obzirom na prisustvo bolesti Aujeszzkog, kao i način testiranja i izvještavanja.

Član 2.
(Uslovi za uvoz svinja za uzgoj)

Uvoz svinja za uzgoj ili proizvodnju iz država ili područja slobodnih od bolesti Aujeszzkog iz Dodatka I koji je sastavni dio ove Odluke i koje se uvoze iz bilo koje druge države ili područja koje nije navedeno u Dodatku I dozvoljen je pod slijedećim uslovima:

- u državi porijekla svinja bolest Aujeszzkog podliježe obaveznom prijavljivanju;
- u državi ili područjima porijekla svinja mora se, pod nadzorom nadležnog organa, provoditi plan kontrole i iskorjenjivanja bolesti Aujeszzkog. U skladu s planom kontrole i iskorjenjivanja treba provoditi odgovarajuće mjere pri prijevozu i premještanju svinja kako bi se spriječilo širenje bolesti između farmi različitog statusa;
- obzirom na farmu porijekla svinja:
 - u posljednjih 12 mjeseci nije utvrđen niti jedan klinički, patološki ili serološki dokaz bolesti Aujeszzkog;
 - nije utvrđen niti jedan klinički, patološki ili serološki dokaz bolesti Aujeszzkog u posljednjih 12 mjeseci na farmama koje se nalaze u krugu od pet km od farme porijekla svinja. Ova se odredba ne primjenjuje ukoliko su se na pomenutim farmama, pod nadzorom nadležnog organa države izvoznice, redovno provodile mjere praćenja i iskorjenjivanja bolesti Aujeszzkog i u skladu s planom iskorjenjivanja iz tačke b) ovog stava, što je rezultiralo efikasnim sprječavanjem širenja bolesti na farmu porijekla;
 - cijepljenje protiv bolesti Aujeszzkog nije provodeno najmanje 12 mjeseci;
 - svinje su bile podvrgnute serološkom pretraživanju na prisutnost antitijela za ADV-gE ili ADV-gB ili ADV-gD ili na prisutnost antitijela za cijeli virus bolesti Aujeszzkog barem dva puta u razmaku od četiri mjeseca. Ovim pretraživanjem mora se isključiti bolest Aujeszzkog i izostanak ADV-gE antitijela kod cijepljenih svinja;
 - nisu u posljednjih 12 mjeseci uvedene nove svinje s farme nižeg zdravstvenog statusa u pogledu bolesti

Aujeszzkog, osim ukoliko su uvedene svinje pretražene na bolest Aujeszzkog s negativnim rezultatom;

- d) svinje koje se premještaju:

- nisu cijepljene;
- 30 dana prije premještanja držane su izolirane u objektu odobrenom od nadležnog organa države izvoznice i na način da je spriječena opasnost od zaražavanja svinja virusom bolesti Aujeszzkog;
- morale su biti držane na farmi porijekla ili na farmi jednakog statusa od prašenja i ostati na farmi porijekla najmanje:
 - 30 dana, u slučaju kada se radi o tovnim svinjama;
 - 90 dana, u slučaju kada se radi o rasplodnim svinjama;
- podvrgnute su serološkom pretraživanju na prisutnost antitijela za ADV-gB ili ADV-gD ili na prisutnost antitijela za cijeli virus bolesti Aujeszzkog u razmaku od najmanje 30 dana između dva testiranja. Kod svinja starosti do četiri mjeseca, može se također provoditi i serološko testiranje na ADV-gE, s tim da uzorkovanje i pretraživanje mora biti provedeno unutar 15 dana prije isporuke. Broj svinja u izolaciji koje moraju biti pretražene mora biti dovoljan za otkrivanje:
 - 2% seroprevalencije s 95% sigurnošću, kad se radi o tovnim svinjama;
 - 0,1% seroprevalencije s 95% sigurnošću, kad se radi o rasplodnim svinjama.
- Prvi od dva testiranja na ADV-gB ili ADV-gD nije potrebno provesti ukoliko:
 - je u okviru plana iz tačke b) ovog stava, serološkim pretraživanjem provedenim na farmi porijekla 45 do 170 dana prije otpreme svinja nisu utvrđena antitijela za bolest Aujeszzkog, niti su kod cijepljenih svinja utvrđena antitijela za ADV-gE;
 - su svinje namijenjene otpremi držane od dana prašenja na farmi porijekla;
 - nisu uvedene nove svinje na farmu porijekla za vrijeme perioda izolacije svinja namijenjenih otpremi.

Član 3.

(Uvoz svinja za klanje)

Uvoz svinja za klanje iz država ili područja slobodnih od bolesti Aujeszzkog iz Dodatka I i koje dolaze iz bilo koje države ili područja koje nije navedeno u Dodatku I, dozvoljeno je pod slijedećim uslovima:

- u državi porijekla svinja bolest Aujeszzkog podliježe obaveznom prijavljivanju;
- plan iskorjenjivanja bolesti Aujeszzkog u državi ili području porijekla svinja ispunjava kriterije iz člana 2. tačka b) ove Odluke;
- sve svinje moraju biti prevezene direktno u odredišnu klaonicu, s tim da:
 - dolaze s farme koja ispunjava uslove iz člana 2. tačka c) ove Odluke ili;
 - su bile cijepljene protiv bolesti Aujeszzkog barem 15 dana prije otpreme i dolaze s farme porijekla svinja na kojoj su se u okviru plana iz tačke b) ovoga člana redovno primjenjivale mjere praćenja i iskorjenjivanja bolesti Aujeszzkog pod nadzorom nadležnog organa tokom prethodnih 12 mjeseci ili su svinje držane barem 30 dana prije otpreme i gdje nisu utvrđeni klinički ili patološki dokazi ove bolesti u trenutku ispunjavanja sertifikata o zdravstvenom stanju, ili;
 - svinje nisu cijepljene i potiču s farme na kojoj:
 - su se u okviru plana iz tačke b) ovog stava redovno primjenjivale mjere praćenja i iskorjenjivanja bolesti Aujeszzkog pod nadzorom nadležnog organa države izvoznice tokom prethodnih 12 mjeseci i nisu

utvrđeni klinički, patološki ili serološki dokazi bolesti Aujeszkog u proteklih šest mjeseci;

- je nadležni organ zabranio cijepljenje protiv bolesti Aujeszkog i uvođenje cijepjenih svinja, buduća je farma u postupku postizanja najvišeg statusa u odnosu na bolest Aujeszkog u skladu s planom iz tačke b) ovog stava;
- su držane najmanje 90 dana prije otpremanja.

Član 4.

(Uvoz svinja za rasplod)

Svinje za rasplod namijenjene uvozu iz država ili područjima navedenim u Dodatku II ove Odluke, gdje se provode odobreni programi iskorjenjivanja bolesti Aujeszkog, moraju:

- a) dolaziti iz država ili područja navedenih u Dodatku I ove Odluke ili;
- b) dolaziti iz država ili područja navedenih u Dodatku II ove Odluke i poticati s farmi koje ispunjava uslove iz člana 2. tačka (c) ovog člana ili;
- c) ispunjavati slijedeće uslove:
 - 1) u državi porijekla svinja bolest Aujeszkog podliježe obaveznom prijavljivanju;
 - 2) u državi ili područjima porijekla svinja provodi se plan kontrole i iskorjenjivanja bolesti Aujeszkog koji ispunjava kriterije iz člana 2. tačka b) ove Odluke;
 - 3) nisu utvrđeni klinički, patološki ili serološki dokazi bolesti Aujeszkog u prethodnih 12 mjeseci na farmi porijekla svinja;
 - 4) 30 dana prije premještanja, svinje su držane izolirane u objektu odobrenom od nadležnog organa države izvoznice i na način da je spriječena opasnost od njihovog zaražavanja virusom bolesti Aujeszkog;
 - 5) kod serološki pretraženih svinja nisu utvrđena antitijela za ADV-gE, s tim da uzimanje uzoraka za zadnji test i pretraživanje mora biti provedeno unutar 15 dana prije isporuke. Broj pretraženih svinja mora biti dovoljno velik kako bi se otkrila 2% seroprevalencija s 95% sigurnošću;
 - 6) svinje su morale biti držane na farmi porijekla ili na farmi jednakog statusa od prašenja i morale su ostati na farmi porijekla najmanje 90 dana.

Član 5.

(Uvoz svinja za tov)

Svinje za tov namijenjene uvozu iz država ili područja navedenih u Dodatku II ove Odluke, gdje se provode odobreni programi iskorjenjivanja bolesti Aujeszkog, moraju:

- a) dolaziti iz država ili područja navedenih u Dodatku I ili;
- b) dolaziti iz:
 - 1) država ili područja navedenih u Dodatku II i;
 - 2) poticati s farmi koje ispunjava uslove iz člana 2. tačka (c) ove Odluke ili;
- c) ispunjavati slijedeće uslove:
 - 1) u državi porijekla svinja bolest Aujeszkog podliježe obaveznom prijavljivanju;
 - 2) u državi ili područjima porijekla svinja provodi se plan kontrole i iskorjenjivanja bolesti Aujeszkog koji ispunjava kriterije iz člana 2. tačka (b) ove Odluke;
 - 3) nisu utvrđeni klinički, patološki ili serološki dokazi bolesti Aujeszkog u prethodnih 12 mjeseci na farmi porijekla svinja;
 - 4) serološkim pretraživanjem provedenim na farmi porijekla svinja 45 do 170 dana prije otpreme nisu utvrđena antitijela za bolest Aujeszkog, niti su utvrđena antitijela za ADV-gE kod cijepjenih svinja;
 - 5) svinje su morale ili biti držane na farmi porijekla od prašenja ili ostati na takvoj farmi najmanje 30 dana nakon uvođenja s farme jednakog statusa na kojem je provedeno serološko pretraživanje jednako onom iz prethodne alineje.

Član 6.

(Testovi za otkrivanje bolesti)

Serološki testovi za praćenje ili otkrivanje bolesti Aujeszkog kod svinja u skladu s ovom Odlukom moraju udovoljavati standardima iz Dodatka III ove Odluke.

Član 7.

(Izvjешavanje)

Države izvoznice su dužne dostaviti Uredu za veterinarstvo Bosne i Hercegovine na godišnjoj osnovi, u skladu s jedinstvenim kriterijima iz Dodatka IV ove Odluke, informacije o pojavi bolesti Aujeszkog, uključujući i podatke o programima praćenja i iskorjenjivanja.

Član 8.

(Promet svinja)

Za vrijeme prijevoza ili provoza svinje ne smiju doći u kontakt sa svinjama različitog ili nepoznatog statusa u odnosu na bolest Aujeszkog.

Član 9.

(Dodaci)

- (1) Dodaci od I do IV sastavni su dio ove Odluke.
- (2) Izmjene Dodataka ove Odluke utvrđuje Ured za veterinarstvo Bosne i Hercegovine u skladu s promjenama epidemiološke situacije po pitanju statusa bolesti Aujeszkog u svijetu.

Član 10.

(Prijelazne odredbe)

U roku od godinu dana od dana stupanja na snagu ove Odluke, Ured za veterinarstvo Bosne i Hercegovine, uz saglasnost s nadležnim organima entiteta i Brčko Distrikta Bosne i Hercegovine, je dužan izraditi i provesti program edukacije veterinara i veterinarskih inspektora.

Član 11.

(Stupanje na snagu)

Ova Odluka stupa na snagu danom donošenja i objavljuje se u "Službenom glasniku BiH", a primjenjivat će se od 01.01.2013. godine.

VM broj 19/11
25. januara 2011. godine
Sarajevo

Predsjedavajući
Vijeća ministara BiH
Dr. Nikola Špirić, s. r.

DODATAK I

Države ili njihova područja slobodna od bolesti Aujeszkog u kojima je cijepljenje zabranjeno

ISO kod	Država članica	Regije
CZ	Češka Republika	sve pokrajine
DK	Danska	sve pokrajine
DE	Njemačka	sve pokrajine
FR	Francuska	pokrajine Ain, Aisne, Allier, Alpes-de-Haute-Provence, Alpes-Maritimes, Ardèche, Ardennes, Ariège, Aube, Aude, Aveyron, Bas-Rhin, Bouches-du-Rhône, Calvados, Cantal, Charente, Charente-Maritime, Cher, Corrèze, Côte-d'Or, Creuse, Deux-Sèvres, Dordogne, Doubs, Drôme, Essonne, Eure, Eure-et-Loir, Gard, Gers, Gironde, Hautes-Alpes, Hauts-de-Seine, Haute Garonne, Haute-Loire, Haute-Marne, Hautes-Pyrénées, Haut-Rhin, Haute-Saône, Haute-Savoie, Haute-Vienne, Hérault, Indre, Indre-et-Loire, Isère, Jura, Landes, Loire, Loire-Atlantique, Loir-et-Cher, Loiret, Lot, Lot-et-Garonne, Lozère, Maine-et-Loire, Manche, Marne, Mayenne, Meurthe-et-Moselle, Meuse, Moselle, Nièvre, Oise, Orne, Paris, Pas de Calais, Pyrénées-Atlantiques, Pyrénées-Orientales, Puy-de-Dôme, Réunion, Rhône, Sarthe, Saône-et-Loire, Savoie, Seine-et-Marne, Seine-Maritime, Seine-Saint-Denis, Somme, Tarn, Tarn-et-Garonne, Territoire de Belfort, Val-de-Marne, Val-d'Oise, Var, Vaucluse, Vendée, Vienne, Vosges, Yonne, Yvelines
CY	Cipar	cijela teritorija
LU	Luksemburg	sve pokrajine

NL	Holandija	sve pokrajine
AT	Austrija	cijela teritorija
SI	Slovenija	sve pokrajine
SK	Slovačka	sve pokrajine
FI	Finska	sve pokrajine
SE	Švedska	sve pokrajine
UK	Ujedinjeno Kraljevstvo Velike Britanije i Sjeverne Irske	sve pokrajine u Engleskoj, Škotskoj i Walesu

DODATAK II

Države članice ili njihova područja gdje se primjenjuju
odobreni programi za kontrole bolesti Aujeszzkog

ISO kod	Država članica	regija
BE	Belgija	cijela teritorija
IE	Republika Irska	sve regije
ES	Španija	sve regije
IT	Italija	pokrajina Bolzano
HU	Mađarska	sve regije
PL	Poljska	sve regije
UK	Ujedinjeno Kraljevstvo	sve regije u Sjevernoj Irskoj

DODATAK III

**Standardi za serološke testove za bolešt Aujeszkog -
Protokol za imunoenzimski test (ELISA) za odkrivanje
antitijela na virus bolesti Aujeszkog (za cijeli virus), za
glikoprotein B (ADV-gB), za glikoprotein D (ADV-gD) ili za
glikoprotein E (ADV-gE)**

1. Samo testni kitovi ELISA ADV-gE koji zadovoljavaju standarde mogu biti registrirani. Ispitivanja navedena u stavu 2. tač. (a) i (b) ovog Priloga moraju se provesti prije odobravanja testa, a nakon toga ispitivanje iz stava 2. tačka (c) ovog Priloga mora se provesti i na svakoj seriji.
2. Standardizacija, osjetljivost i specifičnost testa.
 - (a) Osjetljivost testa mora biti na takvom nivou da slijedeći referentni serum daju pozitivne rezultate:
 - referentni serum ADV 1 pri razrijeđenosti 1:8,
 - referentni serum ADV-gE A,
 - referentni serum ADV-gE B,
 - referentni serum ADV-gE C,
 - referentni serum ADV-gE D,
 - referentni serum ADV-gE E,
 - referentni serum ADV-gE F.
 - (b) Specifičnost testa mora biti na takvom nivou da slijedeći referentni serum daju negativne rezultate:
 - referentni serum ADV-gE G,
 - referentni serum ADV-gE H,
 - referentni serum ADV-gE J,
 - referentni serum ADV-gE K,
 - referentni serum ADV-gE L,
 - referentni serum ADV-gE M,
 - referentni serum ADV-gE N,
 - referentni serum ADV-gE O,
 - referentni serum ADV-gE P,
 - referentni serum ADV-gE Q.
 - (c) Za kontrolu serije, referentni serum ADV 1 mora dati pozitivne rezultate pri razrijeđenosti 1:8, a jedan od referentnih seruma od ADV-gE G do ADV-gE Q, kako je navedeno u tački (b) ovog Dodatka, mora dati negativni rezultat.

Za kontrolu serije testnih kitova ADV-gB i ADV-gD, referentni serum ADV 1 mora dati pozitivan rezultat pri razrijeđenosti 1:2 i referentni serum Q iz tačke (b) ovog Priloga, mora dati negativan rezultat.

DODATAK IV

Informacije koje treba prikupiti pri pojavi bolesti Aujeszkog i planovima za praćenje i iskorjenjivanje ove bolesti.

1. Država:
2. Datum:
3. Period na koji se izvještaj odnosi:
4. Broj farmi na kojima je bolest Aujeszskog otkriven kliničkim, serološkim ili virusološkim pretraživanjem:
5. Informacije o cijepljenju protiv bolesti Aujeszskog, serološkim pretraživanjima i kategorizaciji farmi (kako se traži u tablici):

Područje	Broj svinjogojskih farmi	Broj svinjogojskih farmi gdje se program za kontrolu bolesti Aujeszkog provodi ¹	Broj svinjogojskih farmi na kojima zaraženih bolešću Aujeszkog i gdje se provodi cijepljenje svinja protiv bolesti Aujeszkog ²	Broj svinjogojskih farmi slobodnih od bolesti Aujeszkog bez cijepljenja ³
Ukupno				

1 Program pod nadzorom nadležnog organa.

2. Svinjogojiska farma gdje je provedeno serološko testiranje na bolest Aujeszkog s negativnim rezultatima u skladu sa službenim programom kontrole bolesti Aujeszkog i gdje se cijepljenje provodilo tokom prethodnih 12 mjeseci.

3 Svinjogojska farma koja ispunjavaju uslove iz člana 2. tačka (c) ove Odluke.

6. Dodatne informacije o serološkom pretraživanju u centrima za umjetno osjemenjivanje, u svrhu izvoza, npr. u okviru drugih planova nadziranja i sl.

Na temelju članka 24. stavak 8. Zakona o veterinarstvu u Bosni i Hercegovini ("Službeni glasnik BiH", broj 34/02) i članka 17. Zakona o Vijeću ministara Bosne i Hercegovine ("Službeni glasnik BiH", br. 30/03, 42/03, 81/06, 76/07, 81/07, 94/07 i 24/08), Vijeće ministara Bosne i Hercegovine, na prijedlog Ureda za veterinarstvo Bosne i Hercegovine, na 142. sjednici održanoj 25. siječnja 2011. godine, donijelo je

ODLUKU

O UVJETIMA UVOZA I PROVOZA SVINJA RADI SPREČAVANJA UNOSA U BOSNU I HERCEGOVINU BOLESTI AUJESZKOG

Članak 1.
(Predmet)

Ovom Odlukom propisuju se uvjeti za uvoz svinja za uzgoj ili proizvodnju, uvoz svinja za klanje, uvoz svinja za rasplod i uvoz svinja za tov obzirom na prisustvo bolesti Aujeszkog, kao i način testiranja i izvještavanja.

Članak 2.

(Uvjeti za uvoz svinja za uzgoj)

Uvoz svinja za uzgoj ili proizvodnju iz država ili područja slobodnih od bolesti Aujeszkog iz Dodatka I. koji je sastavni dio ove Odluke i koje se uvoze iz bilo koje druge države ili područja koje nije navedeno u Dodatku I. dozvoljen je pod slijedećim uvjetima:

- a) u državi podrijetla svinja bolest Aujeszkog podliježe obveznom prijavljivanju;
- b) u državi ili područjima podrijetla svinja mora se, pod nadzorom mjerodavnog tijela, provoditi plan kontrole i iskorjenjivanja bolesti Aujeszkog. Sukladno planu kontrole i iskorjenjivanja treba provoditi odgovarajuće